



Vom Wein.

Wie man den abgestandenen Weinen wider
helffen/vntnd wann sie trüb/oder sonsten mangelbar
worden/wider zu recht bringen/auch wie man
allerhand gute Wein præpariren
vnd bereiten solle.

C A P. I.

Wie man den abgestandenen vntnd mit
andern mangeln behafften Weinen wis
derumb zurecht helfen solle.

Wie man trüben Wein läutern solle.

Nimb Rückenteig / so viel du bedarffst / gieß ihn
zum Spund in den Wein / rühr ihn wol vnter
einander mit einer Spattel / laß ihn drey oder sechs
tag ruhen / nach dem das Faß groß oder klein ist.

Saigern Wein wider zu bringen.

Laß desselben Weins auß ein Faß auff die 12.
Maß / vnd schlag den Wein im Faß gar wol mit ei
nem Scheit / nimb dann ein pfund Weinstein / 2. loth
Ingwer / 1. Loth Zimmetrinden / vntnd ein handvoll
Salz / stoß es alles vntereinander zu Pulver / thus
in Wein / vntnd rühr ihn wol vntereinander / fülle ihn
zu / vntnd laß ihn ligen 3. tag vntnd 3. nacht / so wird er
wider frisch vnd gut.

Ein anders.

Nimb Isopen ein grosses Büschlein sampt den
Blumen / Henck ihn in den Wein / so wird er wider
frisch vnd gut / als er zuvor gewesen ist.

Ein an